

湖南各縣調查筆記

冊 上

湖南各縣調查筆記

叙言

嘗考歷代方志。偏重疆域山水沿革考據。於政治之隆污。文化之興替。生計之盈朒。與夫種種社會狀況。視爲瑣瑣。不求詳盡。顧亭林天下郡國利病書。獨能訓察幽微。涉筆所及。往往於民生利病有所闡發。以後惜無繼者。其書遂負然千古矣。大湖以南。徵文考獻之作。代有傳書。楚寶傳掌故。沅湘耆舊集傳詩。湖南文徵傳文章。顧皆空疏高雅。無補實用。繼梧嘗謂以諸先正之才思精力。使進而究心於民生利病。發蒙啟蟄。則其價值當更有重於文徵耆舊集諸書者。曩歲承乏湖南全省地方自治籌備處。各縣調查員陳閱調查筆記。於地理政治文化風俗物產多所紀述。予曰。是可取也。雖詳略不同。純駁不一。究皆耳目所及。非同稗販。吉光片羽。悉可珍存。他日如有作者擷而取之。亦如三國志之有漢晉春秋耳。因命僚佐。抽繹釐正。勒爲專編。付之剞劂。明識君子覽此。或不以爲瑣瑣乎。

民國二十七年七月 曾繼梧識

凡例

一，此書係根據各縣自治調查辦公處之調查筆記編輯而成。提要鉤元。凡分五類。一曰地理。二曰政治。三曰文化。四曰風俗。五曰物產。其內容之精麤詳略。一從原稿。以示存真。

一，原本筆記曾分項別者。此次編輯。就其性之相近。各以類從。如歷史歸併地類之沿革一項是。


一，調查筆記。原爲各項調查統計圖表之輔。其有不便列於圖表中者。於筆記中詳之。惟筆記或探原於方志。或取材於傳說。自與圖表之根據於切實之調查者不同。以故關於各種調查之數量。當一以圖表爲準則。

一，少數縣份或爲匪禍扞格。或因他種障礙。未及精密調查。故僅有六十有八縣筆記。餘八縣付闕如。

一，六十八縣筆記。因調查人員注意不同。記載項目不一。故頗有缺畧。如益陽平江永明石門等縣。缺文化類。甯鄉湘鄉岳陽永明桑植芷江等縣缺物產類。

一，原本筆記。卷帙浩繁。本書倉卒編輯。時間短少。負編輯責者。又復才力綿薄。以故關於文字上。篇章上。遺漏矛盾之處。在所難免。而事實之剪裁。則力存其真云。

地理



地理類

長沙

一，沿革 長沙縣之名稱。在秦時。無所考。或曰湘。至漢置臨湘縣。爲長沙國郡。後漢爲長沙郡治。隋初。

改縣。曰長沙。宋元符元年。析長沙五鄉及湘潭二鄉爲善化縣。明洪武九年。併入長沙。十二年復置善化縣。遼清仍之。民國成立。因都督府有同城不能並立兩縣之令。仍將長善併爲一縣。

舊善化縣。原分一至九九都。舊長沙縣。原分十都。曰大賢。曰明道。曰錦繡。曰尊陽。曰清泰。曰淳化。曰萬壽。曰新康。曰河西。曰臨湘。民國初年。經縣議會議決。一律改爲鎮鄉。人口滿五萬以上者稱鎮。不足五萬者稱鄉。善化縣之河西。遂改爲麓山伏龍兩鎮。河東改爲九峯鎮。嵩山鎮。龍喜鄉。五美鄉。長沙縣治之河西都劃出霞凝雲母兩鄉。合尊陽鄉。清泰鄉。明道鎮。錦繡鎮。大賢鎮。淳化鎮。新康鎮。臨湘鎮。河西鎮。爲十八鎮鄉。城廂內外。則稱城區。概歸長沙縣統治。民十七年。改城區爲市區。乃歸市政籌備處直接轄之。惟當日人口調查。官民多視爲具文。僅由各該地保甲什長。取陳陳相因之戶口冊。循例具報。敷衍了事。其不詳確。莫此爲甚。且如河西鎮劃出之雲母鄉。一彈丸之地耳。面積僅一百四十七方里一百零八畝。爲全縣最小之鄉。迄今地方行政。教育經費。俱感困苦。其劃分之失當。已顯然可見也。

二，區域 長沙東北界平江。東界瀏陽。西界寧鄉益陽。南界湘潭。北界湘陰。

舊長沙城。建於漢長沙王吳芮。城之廣狹無考。且歷代咸有伸縮。至滿清時。東西長約五里。南北長約十里。周圍約十四里有奇。民國五年。當局以城垣阻礙交通。提議拆卸。修築環城馬路。今卒如議。

三，面積 長沙面積。依照湖南測量局民國十八年三月測繪之長沙縣全圖。除市區舊城牆以內不計外。總面積

爲一萬三千七百七十九方里一百零八畝。茲將該局算定市區。自舊城牆起。及十八鎮鄉與河身所占之面積。分記於下。

(甲)市區

自舊城牆起內面積一十一方里二百三十四畝。

(乙)鄉區

九峯鎮 八百一十三方里四百三十二畝。

嵩山鎮 一千零六十七方里二百七十畝。

五美鄉 五百二十一方里。

龍喜鄉 五百三十一方里二百七十畝。

明道鎮 六百一十方里。

萬壽鄉 五百九十方里。

錦繡鎮 八百七十五方里二百七十畝。

尊陽鄉 一千一百八十九方里四百三十二畝。

清泰鄉 六百六十九方里四百三十二畝。

沌化鎮 六百七十方里。

大賢鎮 六百九十五方里四百三十二畝。

霞凝鄉 二百四十七方里一百零八畝。

臨湘鎮 九百七十六方里三百二十四畝。

新康鎮 六百四十二方里二百七十畝。

河西鎮 八百五十九方里四百三十二畝。

雲母鄉 一百四十七方里一百零八畝。

麓山鎮 一千五百八十八方里四百八十六畝。

伏龍鎮 七百九十五方里四百三十二畝。

(丙)河身 二百八十六方里二百七十畝。

四，地勢

長沙控湖湘之上游。吐納洞庭。依附衡岳。故爲湘省輿區。水抱山環。其河西有嶽麓諸峯爲屏障。城南有金盆嶺跳馬澗。昭山爲藩籬。北有塞頭舖谷濞舖。及唐人李靖駐兵之靖港如襟。東有東屯渡湖蹟渡。兩水如帶。遠環近衛。洵關隘四塞。水陸交通之重鎮也。

長沙市之舊城門。共計十三。東有三。曰瀏陽門（卽東興門）曰小吳門（卽東門）曰經武門。南有二曰南門（卽黃道門）曰學宮門。西有六曰小西門曰太平門曰大西門（卽驛步門）曰福星門曰草潮門（卽潮宗門）曰通泰門。北有二曰北門（卽湘春門）曰興漢門。在昔封建時代。人抱門羅主義。閉關自守。新文化無從輸入。民智錮蔽。城門恆倚爲一邑形勢上之關鍵。今則城門久經拆卸。內外交通。東南北部之火車汽車。四達不悖。將來各路相繼築成。則長沙昔日形勢上之認爲天然險要者。今盡因國家社會之發達。文化工商之改進而變遷。舊日之城門。其名目亦不過徒存爲吊古之談助而已。

五，交通

(甲)陸路——有火車汽車。爲交通之樞紐。火車計長沙至武昌三百六十公里。長沙至株州。五十公里。其支綫。則由株州。直抵江西之萍鄉安源。計九十里。每日車開武昌兩次。由武來長者亦二次。旅客往來。多稱便利。汽車已通行者。有長寶路。由長沙經湘潭湘鄉以達寶慶。又長寧路。由長沙至寧鄉。現已開車。惟長衡長平各路。正在建築中云。

(乙) 水路——東北一隅。有新河瀏渭河兩水入湘。輪帆交通。民商稱便。輪船可往來之地。計溯湘流而上。可抵湘潭衡州。沿湘而下。至靖港。由靖港可入寧鄉。由喬口可入益陽。由常德可至桃源沅陵等地。再渡洞庭。過岳陽。入長江。以達漢口。惜自通商以來。外人取得內河航行權。於是湘省航權。多爲英日兩國所攫取。

(丙) 郵電——長沙郵務。電報。電話。久已安設齊全。郵政總局設市西長街。此外南正街。南陽街。均設有分局。並於各街衢。設有郵筒。鎮鄉繁盛地方。各商店代售郵票。設有郵櫃。電報局設市織機巷。電話局設省政府側。現省黨部及各報館。均加設中央廣播無線電收音機。對於京滬一切消息。可按日收得。極稱方便。十七年冬。縣挨戶團局。爲謀消息靈通起見。東達平江。西達寧鄉。遵令安設軍用電話。現各鎮鄉。正籌議分設。以期互相銜接。將來成功。全縣人民利賴更多矣。

(丁) 街道——長沙街道。素稱逼窄。自遜清宣統二年經諮議局。議決一讓街專案。凡新建築及改造房屋者。均須於臨街方面。退讓三尺。至民十三年四月。由警廳與市政公所合組省會整理街道委員會。規定街道路幅。一等街道。寬度定爲二丈。二等一丈八尺。三等一丈六尺。其間雖阻力橫生。然政府強迫執行。卒成事實。現在各正街幹綫。已拆讓完畢。街道亦修完固。其各小街巷道。正逐漸從事拆讓。雖不能通行馬車。而人力車之行駛。則大便利矣。自北門河岸起。沿舊城基。經東北二門。繞天心閣。至西湖橋河岸止。謂之環城馬路。全長三英里有奇。(約合十華里)寬七十英尺。(約合六十六華尺)於民十三分段興工。現尙未竣。自小吳門起。至福星門外河岸止。謂之中山馬路。與環城馬路相銜接。修築不久。可告成功。城廂內外之交通。將來當甚便利。

六，氣候 長沙氣候適宜。寒暑有度。而昔人稱爲卑濕地者。蓋以地臨湘江。春夏多雨。陰歷五六月間。濕氣上騰。易生微霧。至氣候之寒暖。可就地域季節而分論之。

(一) 地域 城以北。多受北風。故氣多寒。城以南。少受北風。故氣較暖。城以西。瀕河而卑濕。城以東。則多

山而高燥。此市城四面氣候之大概也。

(二) 季節 自陰歷十一月下旬起。至十二月。正月二月。爲最寒時期。三月下旬漸溫暖。五月夏至節後熱漸甚。六七月酷暑。八九漸涼。十月中旬。北風至而轉寒冷。夏季最高溫。有時達華氏九十八度。冬季最低溫。有時達冰點數度。然夏季時有涼風調劑。晝雖酷熱。每至夜間暑氣漸減。納涼池邊靜坐月下。膚體亦覺舒爽。故是時城市富室。多遷入鄉居。冬季降雪不盛。至五六寸者不常見。結冰亦不甚厚。鮮見池塘凍結。至數旬而不解者。

惟近年來。四五多大雨。河水暴漲。濱河低窪之處。一時田禾淹沒殆盡。農民深爲痛苦。秋冬多久旱。池塘枯涸。飲水亦時呈荒象。居民苦之。然此皆變態非天時之常也。或曰。此於森林。蓋有莫大之關係云。

湘潭

一、沿革

漢置湘南縣。屬長沙國。後漢屬長沙郡。三國吳太平二年。分置衡陽郡。治湘南。兼治湘西建寧二縣。宋元嘉中。移衡陽郡治湘西。省湘南入之。隋平陳。廢郡。併建寧縣。改湘西曰衡山。仍屬長沙郡。唐武德四年。復還建寧縣屬南雲州。貞觀初省。天寶八載。改湘西曰湘潭。屬潭州。元二貞初。升湘潭州。明洪武初。復降爲縣。滿清及民國概因之。

或曰。舊時縣治在今花石之漢城橋。其縣境。南則有今衡山及於衡陽之耒口。北則有今湘潭之湘水以西。澧水以南。如東二東三東四。及南一南二南三南四。並西三西四各區。卽西一之南六都。皆其縣境也。後漢孫吳。割湘水以西爲湘西。治今長沙之麓山。湘西由湘南析。置夾纒爲界。若今之北一北二兩區。及西一之北六都。時隸湘西。而石潭以上。則仍隸湘南。移湘南縣治於今西潭之古城。而漢城橋之縣治或廢。時又割湘南之湘水以西。涓水以東地屬衡陽縣。及晉改爲衡山。而湘南以東。如今之東一東五東六各區。及攸縣醴陵爲建寧縣治。今東一區之株田。後徙東五區之淦田。淦田有古城基。今猶爲建寧鄉。則建寧城之故迹也。晉時諸縣隸湘州。陶侃曾爲湘州刺史。今城西錦灣傳侃遺蹟最多。侃卒。州治仍歸長沙。此城遂廢。唐劉禹錫智嚴石塔名言。石頭城爲陶侃故居。石頭寺卽今唐興寺。在錦灣之北。寺側壺山。有陶桓公墓在焉。至南北朝齊世。湘南縣解。併入湘西湘鄉新康衡山諸縣。至是湘西遂徙治於今東四區之荷包洲。梁時。割吳建寧縣地。別立湘潭。湘潭縣名。實始於此。然非今縣地。其時湘潭係今攸縣。合今安仁縣北境。並今縣地之東五東六兩區。隋世亦有湘潭縣。惟併入今之荷包洲及潭口港一帶。皆非今縣地。其後唐平蕭銑。廢湘西建甯衡山。併入諸縣。而今縣地則分屬長沙衡山二縣。其時湘潭縣名。仍梁隋之舊。至唐天寶八年。將梁立之湘潭改名衡山。將舊衡山改名湘潭。徙湘潭縣治於洛口。名地始與今符。非梁隋時湘潭之舊矣。唐洛水卽今涓水。涓水入湘之口。在今

易俗河市。市之湘水北岸卽下攝司。今下攝近旁城塹側有故城迹。基地甚侈。卽是唐時徙湘潭縣治於洛口之故城。今縣城自宋南渡以來。似皆治此。但不知移自何時耳。湘潭未徙洛口以前。長沙之地。極於古嶽峯南。今有長沙坳。則分界處也。其時長沙郡治蓋治今縣城。故縣第二潭。劉禹錫謂之長沙潭。旣治洛口以後。洛口治與長沙治不遠。於是長沙還治郡城。而長沙所屬湘西故地。割屬湘潭。東岸以昭山爲界。故元和志言。昭山在長沙縣南七十里。知昭山以北。非故湘潭地。然西岸之湘潭城地。則北至嶽麓山。後以二縣侈遠。至宋元符世。遂割立善化縣。以今大目寺爲界。自宋元符而後。歷元明清。湘潭疆域。不復更張。其曾立治之處。多爲險要。今縣境有六故城。花石之漢城橋。東漢之湘南城是也。石潭之故城。孫吳之湘南城也。東四區之荷包洲。南齊之湘西城也。株州之株田。孫吳初建之建甯城也。東五區之淦田。孫吳改建之甯城也。易俗河之下攝司。則唐天寶徙置湘潭之舊城也。至今之縣城。則縣志載明萬歷四年。知縣吳仲築土城。及典史張大禮稍易以甌。崇禎間縣令李猶龍重磬石增堞。清初頻有增補。湘漲輒圯。至康熙間複雜築土城。再壞于水。至乾隆間。知事秦鑾。請帑金二萬四千。大建甌城。並作護城石堤。今城猶鑾制也。嘉慶中張雲璈兩葺之。咸豐初。肅防兵寇。知事孫坦捐貲巨萬垣堞益察。然自下攝移建之初。事究不可考矣。

一，疆域

湘潭縣地。南起雙石門北緯二十七度一十五分。北至大目寺北緯二十八度九分。東起源頭坳中經偏西三度二十四分。西至韶山中經偏西四度一十七分。南北相距。占緯度五十四分東西相距。占經度五十三分。東北以探塘上至昭山之湘水。由昭山東進至馬皇坳。與長沙縣分界。東以龍頭舖至半山坡。與長沙縣。以婆仙嶺至屏風山。與瀏陽縣。以梅村均南至分水大坵折西至鑿石對岸。復南沿湘水至淦田轉東至軍山。復南至源頭坳與醴陵縣分界。東南以牌山嶺西南至鳳凰山與攸縣分界。西北以羅仙寨。迤西至韶山。折南至鐵皮橋。與湘鄉縣分界。西以楓木冲直南至福海山與湘鄉縣分界。西南以青翠峯折西南至錦鯨峯。折東至會湘橋與湘鄉縣分界。南以霞嶺斜向東北至高山寺以新舖子折向東南至樊田港。由桅杆嶺沿湘水曲折而東至朱亭。折東南至雙石門與衡山縣分界。北以白石寨迤東至鳳凰菴。折東南至

楊家冲。折東北至仙女廟。與甯鄉縣。由大目寺至碑頭市折東南至三角寺。又折東北至探塘與長沙縣分界。其南北最長處。相距約一百五十里。東南最闊處。約一百四十里。面積一萬四千五百方中里。實占湖南省地五十七分之一部。

湘潭西南二面。地勢獨高。其北面及東面次之。其最低處。在東北一隅。成一斜窩形。故境內大河。則由南而北。支河則由西而東。支河與大河會流之處。勢極窪下。每歲春夏水漲。漫流於河水支會之窪地。動輒數里。或數十里。窪地皆成澤國。或歸咎於下游之洞庭湖。近多淤塞。以至容水不多。水流不暢。其實則地勢使然。陂陀起伏。以地理家所謂衝積地也。因此地勢。故境內之山脈分三支。皆遠接崑崙南幹之餘支。河流分三道。一，湘江。二，漣水。三，涓水。

湘潭縣地。前清沿明制。劃分都甲。全縣合二十一都。都各十甲。自一數起至十八數。而四與五與十七。各分上下。合爲二十一。縣城總市。後別有三十都。殆明制也。俗稱二十一都半。所謂半都。或指此耳。其各都位置。或以次列。或不以次列。其輻員或相連。或不相連。錯雜糾紛。後之人皆罔識其劃分意義。至前清末年。自治成立。乃劃分自治區域。視各地方之大小。人口之多寡。或仍舊一部。或併合兩都。定爲十七區。復隨山水天然形勢。爲東西南北四鄉。以湘水流域爲東鄉。分六區。以漣水流域爲西鄉。分四區。以涓水流域爲南鄉。分四區。以湘水合新水流域爲北鄉。分二區。其縣城及總市。並附近城市地爲城區。凡十七區。

三、交通

湘潭航路。由城南湘水北通長江各行省。其往來輪船。係中國之招商新鴻運。英商之怡和。日商之日清各船。船之大者。則往來於漢口。沙市。沅江。常德。每日一或一二班不等。船之小者。則專走長潭。每日分早接午三班。用船約五六號。南通衡永各府。水深時。可行小船至衡州。平時則惟株洲。涿口。易俗市等處。日有小輪行駛。民船上通兩廣。下出兩湖。其縣西漣水下游。可通小輪至石潭。溯流而西。貫湘鄉全縣。可上通安化之橋頭河。邵陽之紅田寺。縣南涓水。則溯流而南。可上通衡山之白果市。湘東涓水。則溯流而東。出醴陵。可上通江西之萍鄉。湘潭河

道。大抵水平流緩。無礁石湍急之險。

湘潭鐵路。有株萍及粵漢路。均在東一區。株萍路。因轉輸萍鄉之安源鑛煤。光緒末年。以國款自辦。路長一百八十五里。粵漢路。由湖北武昌道經岳州至長沙。自長沙經株洲至涿口。宣統初年成。此一段長一百三十三里。係借款自辦。因久未行車。今多傾圮。

湘潭汽車路。成於民國十一年。由省城南出。沿鐵路而南至縣境。昭峽舖傍東一區之舊驛路。經高峯塔東至總市對河之泥灣。隔湘水直接西路。起於十八總之唐興橋側。西行因舊驛路時虞水患。改就山邊。經西一區之姜畚市。後及西區之雲湖橋後。西出湘鄉。此路橫貫縣境。長一百一十里。是於長寶汽車路。用以行駛汽車。又衡潭路。亦竣工。開車之日久矣。

湘潭除郵寄外。尙通電報。設於光緒二十六年。舊建分局於城內黎家祠。至民國初年。移置十六總後韓家倉。電報所至。北通省城。遠及京漢。綫柱。由縣東間道經北一區之灣橋樟樹嶺。在探塘渡湘南。通衡永。遠及粵東粵西。綫柱由河口渡漣水。由易俗河渡涓水。南沿縣南驛路。經南一區之茶園舖。東三區之黃茅驛。在界牌關出境。西通湘鄉。遠及雲貴綫柱。沿縣西驛路。經西一區之姜畚。西二區之雲湖橋。在馬舖出境。

湘潭電話。設於民國三年。建局十六總之後葉竹街。其綫柱均依照電報。十八年。縣挨戶團局。爲便於指揮軍隊起見。廣籌經費。架記鄉區電話。現已通話者。有東三南一西一北一等區。其餘各區。亦正在積極架設。將來竣工之後。政府命令。頃刻即可傳佈全縣。惜與省垣電話。不相聯絡。亦美中不足。

四、名勝

昭山 縣屬東一區之昭山。離縣三十餘里。截波秀立。翠若華鬘。自涓口發舟。便已遙見煙雲。題其陽爲朝霞。陰爲暮雲。二處並向背山川。飛光映影。雲嵐之狀。類表仙靈。米元章曾於此繪爲山市晴嵐紀其勝。地居水陸要津。山側有譚煥之墓。隧道猶存。又有劉太尉之故宅。今基地空傳。榛蕪弗剪矣。山下有昭潭。水經註所云無底

者也。永初山水記云。周昭王南征歿此。故名。

琵琶山 琵琶山。亦東一區之名勝也。山有雲嵒風洞。晴嵐雨黛。光景常新。中有仙女祠。相傳舊記琵琶仙女。清順治初。石甕得三仙女像。乃更新山寺以記之。天旱。鄉愚輒往求禱。

婆仙嶺 界連醴陵。湘潭。瀏陽。長沙四縣。有婆仙嶺者。地屬東一區境界。山有老少二峯。巔奇壘秀。高矗雲霄。俗傳有姑婦七人。俱於此白日上昇。上有金輪寺。山勢鬱蟠。東接屏風。南連石嶺。憑高眺遠。佳勝軒轄。或於其地綴爲八景。曰屏風夕照。拓嶺丹霞。桃林花雨。雙井清泉。老虎聽經。獅子嘯月。古寺飛鐘。石港遠帆云。

觀音岩 縣屬東二區之觀音岩。佔湘水上游。空靈灘北。舊名空靈岸。後於此奉大士像。故改今名。岩瀕江。巉巖峭出。勢如張蓋。窅然大洞天。廣二丈許。深七尺許。高六尺許。立神其中。禱者不絕。岩左有杜公亭。並刻公次空靈岸詩於壁。志嚮往也。岩右鳥道盤紆。護以石欄。春秋佳日。憑眺其間。寒溜鳴玉。經翠欲流。波光漾碧。山色迎青。游人至斯。塵襟爲之一滌。尤爲勝境。岩旁有津渡。曰霞石埠。亦取杜詩空靈霞石峻句以爲名者也。

九龍山 九龍山。屬東二區地。縣誌載胡石壁舊居九龍山。曾掘得瓶鼎古器。又得甄刻胡穎姓名。蓋其墓物。土人以山麓爲古城灣云。穎嘗屯兵於此。文宋瑞開府湖南。推胡甚至。帥未幾。石壁病終。復爲祭文。許其鋒蘊。此山亦信國之舊游也。此外尚有呂山。昭陵灘。晚洲。明月山。壺山。紫荆山。隱山。仙女峯。均邑中之名勝。

五、古蹟 **雙壁坊** 在湘潭縣城兩湖旁。湖故有習家園。明詹事習經祖舊宅也。後爲妓廬。清嘉慶中。妓買得二女。艷慧絕。入門女覺。夜深赴湖死。旦日屍浮。轉更韶雅。縣宰驗治。旌爲重烈。但莫知其姓里。爰題雙壁塚。署坊曰雙壁無瑕。一時詩人。皆盛爲詠贊。

岸花亭 湘潭縣治觀湘門外。明縣令包鴻達所建。取杜詩岸花飛送客句意名之。以配壺山。爲潭邑形勝。清代曾改爲文昌閣。民國乃復故。

楚山觀 相傳晉代所造。至元末。毀於兵火。明洪武初。詔汰寺觀。以其陶公舊跡。奉敕重修。旁爲柳師巷。柳道人煉丹之所。又旁爲學宮舊址。宋李縣丞墓焉。

黃葉亭 在湘潭縣城西壺山上。山一名陶公山。舊時所作。今僅存其一。更名黃葉者。蓋取韋超詩湘潭一葉黃句以名之也。山下有唐興寺。內有水閣湘亭。唐杜荀鶴宋張南軒皆有詩。寺旁有智儼石塔。唐劉禹錫爲之銘。

老萊子墓 在縣屬東一區之宋家橋。案老萊子。周楚賢人。孝二親。年七十猶服綵衣。爲童子戲。以娛其親。耕蒙山下。楚王聞其賢而禮聘之。乃與其妻偕隱於江南。江南者。揚子江之南也。今墓地在茲。殆終於湖湘歟。

分袂亭 原在株州資福寺內。今改建城隍廟後進。宋朱子與張南軒敘別於此。南軒歿。朱子爲文以祭之。有解袂株州之句。謝一魯因取以建亭。元歐陽玄題額。

懷杜岩 縣屬東二區鑿石浦。杜子美有宿鑿石浦詩。米元章爰於其地題曰懷杜岩。以志景仰。米書頗爲世所重。爭臨揚焉。其餘如陳孝子墓。西禪寺鳳竹巷（皆城區）虎井橋（縣屬中路舖）龍潭（中五區地）開利寺（東五區地）。草衣岳（南四區地）雲湖橋（西二區地）早禾塘（西二區地）皆邑中名古蹟也。